



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Na: Presidente di Parlamento di Kòrsou
Sra. Ch. America-Francisca
Wilhelminaplein 4
Presente

Willemstad, 18 novèmber 2024

Tópiko: Petishon Ora di Pregunta (Vragenuur) dirigí na Minister di BPD sr S. Hato ku e tópiko:
Atkisishon di 32 trahadó pa BPD i otro ministerionan.

Honorabel sra. America-Francisca,

Señora presidente, pa medio di e karta aki suskrito ke hasi uso di artíkulo 96A di Reglamentu di Òrdu i ta pidi enkaresidamente pa bo persona por dirigí e karta aki ku e tópiko; ‘Atkisishon di 32 trahadó pa BPD i otro ministerionan’, na Minister di BPD sr S. Hato.

Alabes ta hasi e petishon na Presidente di Parlamento pa planeá e reunion aki ku Minister BPD pa e siguiente “Ora di Pregunta” den novèmber.

Atentamente,

Ana Maria Pauletta
Miembro di Parlamento, Partido Alternativa Real





PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Minister di BPD
Sr S. Hato
Plasa Horacio Hoyer 9
Presente

Kòrsou, 18 di novèmber 2024

Tópiko: Atkisishon di 32 trahadó pa BPD i otro ministerionan

Apresiabel sra. America-Francisca,

Na aña 2022 Gabinete Pisas a tuma 32 persona den serviso di gobièrnu, bou di enkargo di e ministerio di BPD den koperashon ku ministerio di SOAW. E personanan aki a kuminsá laborá na diferente serviso di gobièrnu i den diferente funshon. Entre nan tabatin un grupo di 'interieurverzorgster'.

Durante di e periodo di un aña a tuma nota positivamente ku e 'interieurverzorgster', ku a drenta serviso di gobièrnu por medio di e proyekto aki, a hasi un tremendo trabou i a prolongá e proyekto i nan kontrato. Algun di e 'interieurverzorgster', ku a kuminsá den e proyekto, tin entre tantu 3 aña laborando. Ademas nan a risibí e promesa di e minister di e tempu ei sr. Ornelio 'Kid' Martina, ku nan lo por bin na remarke pa un kontrato fihó den gobièrnu. Segun informashon ku nan a risibí lo tin 10 funshon di 'interieurverzorgster' ku lo bai habrí.

Minister por komprondé e preokupashon ku a lanta den e grupo aki, ora ku nan a tuma nota di e Jobfair di gobièrnu i ku den e vakaturanan, no tin vakatura pa 'interieurverzorgster'. Den kuadro di esaki, suskrito ta di opinion ku mester bin klaridat mas pronto ku ta posibel pa ku e futuro di e personanan aki. Gobièrnunan di turno a rechasá prolongashon di kontratonan kòrtiku, sin un vishon duradero. E personanan aki tin tres aña laborando, riba un proyekto di un aña. Lo no ta hustu ku e proyekto ta finalisá sin ku ta duna e grupo aki e klaridat nesario ofer di loke a sosodé.

Den kuadro di loke ta mensioná ariba, suskrito tin algun pregunta na minister di BPD:

1. Minister ta na altura di e proyekto di BPD, kaminda a tuma mas òf ménos 32 persona den serviso di gobièrnu na aña 2022? Minister por indiká na parlamento ta den kua funshonnan a tuma e 32 personanan aki i kua ta e stand van zaken di e proyekto aki?
2. Minister por informá Parlamento si tin vakatura den gobièrnu pa 'interieurverzorgsters' i si e personanan ku ya kaba ta hasi e trabou, lo por bin na remarke pa un kontrato fiho ?



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

3. Minister por informá Parlamento kua ta e posishon di gobièrnu pa ku ‘interieurverzorgster’ den serviso direkto di gobièrnu?
4. Minister por informá Parlamento kuantu vakatura tin den gobièrnu na e momento aki i pa kua posishonnan?
5. Minister lo por kompartí ku parlamento e último relato di personal den serviso di gobièrnu, segun “Landsverordening Publicatie Beleidsinformatie Curaçao” (A.B. 1998, no. 4) ta preskribí?

E urgensia di e kaso ta sinta na e echo, ku na e momentonan aki, ‘as we speak’ tin siudadano pendiente pa pèrdè un trabou, ku pa e último 3 aña nan a bin ta dependé riba dje. Mi no lo kier mira e proseso enkaminá pa e jobfair finalisá sin ku tin trankilidat pa e grupo di trahadónan aki. Pa esaki suskrito ta pidi sra. Presidente por medio di artíkulo 96a pa yama un reunion di Ora di Pregunta (Vragenuur), kaminda ta invitá minister di BPD sr. Hato.

Danki di antemano,

Ana Maria Pauletta
Miembro di Parlamento, Partido Alternativa Real

